

leicht bezalt werde. So aber unnsere gnedigen hern mer friheit, danne bißher geschen ist, zcu den bergwerken geben wurden, so were zcu hoffen, das noch vast newe gruben unde vil nuczliche bequeme bergwerck erregt wurden. Dann man hebt iczunt nichts newes an, sundern das cleyne, das man gewynnet, das kompt gemeynlich auß alden gruben unde strossenn, halden unde bechern (*sic*). 5

Item unnsere gnedigen hern herczog Ernst unde herczogk Albrecht haben alher gesant hundert gulden zcu kolkouffe^e) zcu enthaldunge der hutten, welches kouffs die eine zeit in kurz vergangen unde die ander zeit umb Michaelis wider anhebinde ist. So der kolkouff alleyne tete, mochte man sich wol sust der kost unde darlegunge uff die hutte vom erczkouffe, huttekost unde andirn inkomen der hutten zcu enthaldunge der 10 hutte erholen; so aber, ab got wil, in kurz der stolle inbracht unde ercz troffen wirt, ist ane zewivel, die hutte unde die stewart sullen domit versorgt werden, domitte unsere gnedigen hern auch vertragen bliben mogen ferner zubuse zugeben, sunder nucz unde fromen weder zcu hoffenn.

Item der munczmeister unde bergschreiber bitten, das unnsere gnedigen hern sie 15 der burde yrer rechnunge, die vast langyerig, groß unnde tapffer ist^d), entledigen durch gnedige vorbescheidunge unde verhorunge.

Item ausserhalb dem kolkouff so müssen unnsere gnedigen hern iczunt gemeynlich alle wochen uff die stewart, den erbstolnn, amptlute lon, die hutte, erczkouff der freyen silber unde ander zcu fellige notturfft der hutten bey virczen ader funffczzen gulden haben, 20 dagegen yren gnaden iczunt nicht inkompt, danne was undirweylen in virczen tagen ader dryen wochen der erczkouffer cleyne silber vom freyen erczkouffe inbrenget, also das unser gnedigen hern iczunt von den bergwerken alhie gar wenig mer haben dann den zcenden, das obirgewicht unde vonn iglicher Erffurtischen marck so vil, als die obir sechs Rinische gulden, dofur unser gnedigen hern die Pregische mark bezalen, 25 verkoufft wirt. Sulchs cleyns zcu gangen halben haben unser gnedigen hern daher müssen zcu bussen, welche zubuse der slegeschatz wol ertragen hette. Es ist aber hoffnung zcu dem almechtigen gote, das unnsere gnedigen hern des in kurz wider mogen ergeczet werden.

Darunter von anderer Hand: 1475. Undterrichtung bergkvoyts und schreibers, 30 wie es sich mit dem bergkwerck zu Freyberg in verlegung heldet.

1085.

Kurfürst Ernst, Herzog Wilhelm und Herzog Albrecht erweitern die bei Belehnungen zu ertheilende Freiheit von 6 auf 8 Jahre und bestimmen die Abgaben der Gewerken von dem erbauten Erz, den Preis des Metalls und die Abgaben der Waldwerken.

Rochlitz, 1476 Febr. 15. 35

Hdschr.: Hauptstaatsarchiv Dresden Cop. 59 fol. 234.

Ann.: Vergl. No. 1016. 1022.

1084. c) Vergl. No. 1078. d) Vergl. Anh. I Rechn. 119.